

Rumà ju, belau dut!

Nosc atlec dla Scola de Tennis de Gherdëina à inò n iede desmustrà na bona preparazion y à arjont de bie resultac pra l campunat VSS dl inviern che ie finà via n dumënia passeda ai 26 de merz cun la finela a Maran

Tennis - Ntan dut l inviern iel unì metù a jì te uni raion de Südtirol plu turnoies de tennis. Y sciche for fova la partezipazion da pert de nosc jugadëures da stramp granda pra chësta ancuntedes resservedes ai tennis cun classifica sot a 4.3.

Nscila se cualificova i prins trëi de uni raion per l ultimo di de juech a Maran, per l raion dla Val de Isarch n fòvel na desëina de Gherdëina tla categories sot a diesc, dodesc, catordesc y sëidesc ani.

Pra i mëndri nchin a diesc ani se à fat valëi Verena Kostner pra la mutans y Patrick Prinoth pra i mutons, tramedoi dl TCS. Cristina/Sëlva. Verena Kostner ova batù te semifinela Verena Hofer dl TC Urtijëi. Pra i Under 12 ie Klaus Riffeser stat bon de arjonjer la

finela, ulache l à pona perdù. L miëur pra i mutons sot a 14 ani ie stat l jugadëur de Urtijëi Markus Klotz. Stlut ju la bela lingia de vëntes à Kasslatter Veronika tla categoria dla mutans nchin 16 ani.

Nia pudù fé pea pra chësta fineles ne n'à Sara Pitscheider che fossa stata la favorita pra la mutans sot a 14 ani. Propi n chël di fòvel nce la finela de dopl ulache Sara à venciù l titul deberieda cun si cumpania Diana Moroder pra l turnoi de serie D metù a jì dal TC USSA de Bulsan.

Cungratulations a duc i atlec per si prestazioms y n de gra ai maestri dla Scola de Tennis de Gherdëina Lorenzo Rumerio y Stefano Bassetto per si lëur profesciunel. (ar)



I jugadëures de Gherdëina puech do la premiazion!

STIMA' 0852
KASSLATTER & OBLETTER KG
STR. ROMA, 3
39046 URTIJEI (BZ)

LAUSC DI LADINS

PIATA DLA UNION GENERALE DI LADINS DLA DOLOMITES



39046 Urtijëi (BZ), Senta tla Cësa di Ladins, strada Rezia 83,

Redazion: telefon 0471/797199 - Amministrasion: telefon 0471/789294,

fax 0471/797384, e-mail: info@lauscitladins.com - www.lauscitladins.com

Nr. 13/2006 - 1. de auril 2006

I.P.

Poste Italiane Spa - Spedizione in Abbonamento Postale - D.L. 353/2003 (conv. in L. 27/02/2004 n. 46) art. 1, comma 1, DCB Bolzano - Taxe Perçue P. - Tassa pagata - Ordinaria
Prese singul: 1,20 Euro